



**VALDOVIÑO**

## **ACTA DA SESIÓN ORDINARIA DA XUNTA DE GOBERNO LOCAL DO CONCELLO DE VALDOVIÑO, CELEBRADA EN DATA NOVE DE NOVEMBRO DE DOUS MIL VINTE E TRES.**

**Expte: 2023/G007/000036**

En Valdoviño na Sala de Xuntas da Casa do Concello anexa á Alcaldía, ás nove horas e trinta e cinco minutos do día nove de novembro de dous mil vinte e tres, reúnen-se en primeira convocatoria os membros da Xunta de Goberno local; previa convocatoria efectuada regulamentariamente conforme ao resolto en decreto núm. 661 de data 8 de novembro/2023 e baixo a Presidencia do Sr. Alcalde, don Alberto González Fernández: dona Rosa Ana García López, don Sergio Saavedra Gutiérrez, don Benito Manuel Vega Fernández e dona Tamara Sabín Caamaño.

Actúa como secretaria a que o é da Corporación dona Carlota González Navarro, asistindo ademais, a interventora municipal, dona Elisa Marqués Parrilla.

Despois de aberta pola Presidencia a sesión, ésta celebrase comezando co debate e votación dos asuntos incluídos na Orde do Día da convocatoria.

### **1º.- APROBACIÓN, SE PROCEDE, DO BORRADOR DA ACTA DA SESIÓN ANTERIOR: 26.10.23 (ORDINARIA).-**

O sr. alcalde preguntalle aos concelleiros se teñen que facer algunha observación á devandita acta, e ao non facerse ningunha alegación, declara que a acta da sesión de 26.10.23 queda aprobada sen ningunha obxección pola Xunta de Goberno Local.

### **2º.- APROBACIÓN DE GASTOS. RELACIÓN DE FACTURAS F/2023/37.-**

#### **PROPOSTA DA ALCALDÍA-PRESIDENCIA**

“APROBACIÓN DE GASTOS: RELACIÓN DE FACTURAS Nº F/2023/37.

Elaborouse a seguinte relación de facturas que figura co número F/2023/37 e que se remitiu pola Intervención Municipal. A contía total da presente relación de 5 facturas ascende á cantidade de OITENTA E DOUS MIL NOVE EUROS CON DEZASEIS CÉNTIMOS (82.009,16 €). As facturas que integran a antedita relación figuran como anexo á proposta.

A Alcaldía, de acordo coas competencias que se atribúen á Alcaldía polo artigo 21, apartado 1.f) da Lei 7/85, do 2 de abril, reguladora das bases do réxime local, na súa redacción dada polas Leis 11/99 e 57/03,

#### **PROPÓN:**

**PRIMEIRO.- APROBAR** a relación de facturas sinalada, F/2023/37 por importe bruto de

82.009,16 euros.

En Valdoviño, na data da sinatura electrónica

O alcalde:

Asdo. D. Alberto González Fernández (*Asdo. dixitalmente*)”

**A Xunta de Goberno Local, en votación ordinaria e por unanimidade dos seus membros acordou a aprobación da proposta de Alcaldía transcrita (Expte referencia: 2023/X999/000157).**

### **3º.- APROBACIÓN DE GASTOS. RELACIÓN DE FACTURAS F/2023/38.-**

#### **PROPOSTA DA ALCALDÍA-PRESIDENCIA**

“APROBACIÓN DE GASTOS: RELACIÓN DE FACTURAS Nº F/2023/38.

Elaborouse a seguinte relación de facturas que figura co número F/2023/38 e que se remitiu pola Intervención Municipal. A contía total da presente relación de 14 facturas ascende á cantidade de CENTO SETENTA E UN MIL CINCOCENTOS NOVENTA E SEIS EUROS CON NOVENTA E NOVE CÉNTIMOS (171.596,99 €). As facturas que integran a antedita relación figuran como anexo á proposta.

A Alcaldía, de acordo coas competencias que se atribúen á Alcaldía polo artigo 21, apartado 1.f) da Lei 7/85, do 2 de abril, reguladora das bases do réxime local, na súa redacción dada polas Leis 11/99 e 57/03,

#### **PROPÓN:**

**PRIMEIRO.- APROBAR** a relación de facturas sinalada, F/2023/38 por importe bruto de 171.596,99 euros.

En Valdoviño, na data da sinatura electrónica

O alcalde:

Asdo. D. Alberto González Fernández (*Asdo. dixitalmente*)”

**A Xunta de Goberno Local, en votación ordinaria e por unanimidade dos seus membros acordou a aprobación da proposta de Alcaldía transcrita (Expte referencia: 2023/X999/000163).**

### **4º.- EXPEDIENTES DA ÁREA DE OBRAS E URBANISMO.-**

#### **A.- Licenza de Obra maior.-**

#### **PROPOSTA DE ALCALDÍA DE LICENZA DE OBRA MAIOR.**

“Expte: 182/2021 Tedec 2021/U022/000015.

.- Expte. de obras 182/2021.- [REDACTED] (representada por María Montserrat Ruiz Fernández).- Para as obras de construción de vivienda unifamiliar nunha parcela situada no Lugar de Adro nº. 4-8, parroquia de Vilarrube, Concello de Valdoviño (referencia catastral nº. 15088A055001560000HU).

- Proxecto Básico redatado polas arquitectas María Elia Estraviz Prado, María de la Luz Fernández Lemos y María Montserrat Ruiz Fernández, achegado o 14/07/2021.
- Proxecto Básico Modificado redactado polas mesmas arquitectas e achegado o 08/11/2021 (substitúe ao anterior).
- Proxecto Execución redactado polas mesmas arquitectas, visado o 14/07/2022 e achegado o 15/07/2021.
- Plano P02 corrixido, achegado o 23/10/2023.
- Oficio de Dirección de obra de arquitecto a nome de María Elia Estraviz Prado, María da Luz Fernández Lemos e María Montserrat Ruiz Fernández achegado o 14/07/2021 e Oficio de Dirección de execución da obra de arquitecto técnico e Coordinador de seguridade e saúde a nome de Diego Martínez Aneiros, achegado o 16/06/2023, e visado polo correspondente colexio o 08/06/2023..

Segundo as Normas Subsidiarias de Ordenación Municipal (en adiante NNSSPP), en vigor neste Concello, a parcela na que se proxecta a obra atopase situada en en solo clasificado e calificado, como **S.N.U. DE NÚCLEO RURAL TRADICIONAL. ZONA DE EDIFICACIÓN RESIDENCIAL AISLADA Y SUELO NO URBANIZABLE Forestal y Común.**

E a vivienda pretendese construír na zona da parcela clasidficada como **S.N.U. DE NÚCLEO RURAL TRADICIONAL. ZONA DE EDIFICACIÓN RESIDENCIAL AISLADA.**

Considerando que a documentación que se achega ao expediente é conforme e completa, segundo o informe do arquitecto municipal de data 31/10/2023 que se emite en sentido **FAVORABLE**

E visto informe xurídico da Secretaria municipal de data 02/11/2023 en sentido **FAVORABLE.**

Esta **ALCALDÍA** en uso das competencias atribuídas polo art. 21 da Lei 7/1985 de 2 de abril, reguladora das Bases de Réxime Local, propón a Xunta de Goberno Local a adopción dos seguintes **ACORDOS:**

**Primeiro.-** Conceder a [REDACTED] (representada por María Montserrat Ruiz Fernández a **licenza municipal de obras para a construción de vivenda unifamiliar** nunha parcela situada no lugar de Adro nº. 4-8, parroquia de Vilarrube, Concello de Valdoviño (**referencia catastral nº. 15088A05500156000HU**).

A licenza se outorga salvo o dereito de propiedade e sen prexuízo de terceiros.

**Segundo.-** As obras axustaranse á documentación técnica achegada e asinada polas arquitectas María Elia Estraviz Prado, María da Luz Fernández Lemos e María Montserrat Ruiz Fernández e as condicións sinaladas no informe do arquitecto municipal (Anexo 1: **CONDICIÓN DA LICENZA**) de data 31 de outubro de 2023, debendo trasladarse ditas condicións ao promotor do expediente en debida forma, xunto coa licenza municipal.

**Terceiro.-** Aprobar a liquidación provisional das obras, segundo folla de valoración que consta no expediente e co seguinte desglose: **Taxa 1275,00 €, ICIO.- 5.865,00 €**

**Cuarto.-** Aprobar o prazo de execución das obras, que se estima en 36 meses.

**Quinto.-** Notifíquese o presente acordo aos interesados e dese traslado do mesmo ao negociado de Urbanismo para o seu trámite, así coma aos servizos económicos para os efectos oportunos.

**En Valdoviño, asinada electrónicamente na data á marxe polo Sr. Alcalde Alberto González Fernández”**

**A Xunta de Goberno Local, en votación ordinaria e por unanimidade dos seus membros acordou a aprobación da proposta de Alcaldía transcrita (Expte referencia: 2021/U022/000015).**

**B.- Licenza de obras maior.-**

**PROPOSTA DE ALCALDÍA DE LICENZA DE OBRA MAIOR.**

**“Expte: 222/2023 Tedec 2023/U022/000012.**

**.- Expte. de obras 222/2021.-** (representada por Ángel Rodríguez de Santiago).- Para as obras de **construcción de vivenda unifamiliar aillada (inclúe peches)** nunha parcela situada no Lugar O Vieiteiro, 58, parroquia de Pantín, Concello de Valdoviño (**referencia catastral nº. 15088A034010650000HZ**).

- Proxecto Básico de vivenda unifamiliar illada redactado polos arquitectos Ángel Rodríguez de Santiago e Pablo Brezmes Cedo achegado o 17/08/2023.
- Proxecto Básico de vivenda unifamiliar illada redactado polos mesmos arquitectos, achegado o 03/10/2023 e que substitúe ao anterior.

Segundo as Normas Subsidiarias de Ordenación Municipal (en adiante NNSSPP), en vigor neste Concello, a parcela na que se proxecta a obra atopase situada en solo clasificado e calificado, como **SOLO NON URBANIZABLE DE NÚCLEO RURAL TRADICIONAL. ZONA DE EDIFICACIÓN RESIDENCIAL AILLADA.**

Considerando que a documentación que se achega ao expediente é conforme e completa, segundo o informe do arquitecto municipal de data 3/11/2023 que se emite en sentido **FAVORABLE**

E visto informe xurídico da Secretaria municipal de data 06/11/2023 en sentido **FAVORABLE.**

Esta **ALCALDÍA** en uso das competencias atribuídas polo art. 21 da Lei 7/1985 de 2 de abril, reguladora das Bases de Réxime Local, propón a Xunta de Goberno Local a adopción dos seguintes **ACORDOS:**

**Primeiro.-** Conceder a (representada por Ángel Rodríguez de Santiago) a **licenza municipal de obras para a construción de vivenda unifamiliar aillada (inclúe peches)** nunha parcela situada no Lugar O Vieiteiro, 58, parroquia de Pantín, Concello de Valdoviño (**referencia catastral nº. 15088A034010650000HZ**).

A licenza se outorga salvo o dereito de propiedade e sen prexuízo de terceiros.

**Segundo.-** As obras axustaranse á documentación técnica achegada e asinada polos arquitectos Ángel Rodríguez de Santiago e Pablo Brezmes Cedo e as condicións sinaladas

no informe do arquitecto municipal (Anexo 1: CONDICIÓNS DA LICENZA) de data 3 de novembro de 2023, debendo trasladarse ditas condicións ao promotor do expediente en debida forma, xunto coa licenza municipal.

**Terceiro.-** Aprobar a liquidación provisional das obras, segundo folla de valoración que consta no expediente e co seguinte desglose: **Taxa 788,00 €, ICIO.- 3.624,80 €**

**Cuarto.-** Aprobar o prazo de execución das obras, que se estima en 36 meses.

**Quinto.-** Notifíquese o presente acordo aos interesados e dese traslado do mesmo ao negociado de Urbanismo para o seu trámite, así coma aos servizos económicos para os efectos oportunos.

**En Valdoviño, asinada electrónicamente na data á marxe polo Sr. Alcalde Alberto González Fernández”**

**A Xunta de Goberno Local, en votación ordinaria e por unanimidade dos seus membros acordou a aprobación da proposta de Alcaldía transcrita (Expte referencia: 2023/U022/000012).**

**5º.-APROBAR A PARTICIPACIÓN NA CONVOCATORIA DO PROGRAMA DE SUBVENCÍONS A CONCELLOS E OUTRAS ENTIDADES LOCAIS PARA FINANCIAR GASTOS DE PERSOAL TECNICO NOS SERVIZOS MUNICIPAIS DE CULTURA 2024.-**

*“Vistas as Bases Reguladoras, en réxime de concorrencia non competitiva, do programa de subvencións a concellos e outras entidades locais para financiar gastos de persoal técnico nos servizos municipais de cultura en 2024 publicadas no Boletín Oficial da Provincia da Coruña nº 194 de data 10 de OUTUBRO de 2023, sendo de gran interese para esta alcaldía solicitar subvención para financiar gastos de persoal técnico nos servizos municipais de cultura en 2024 .*

**PROPONSE,**

Participar en dita convocatoria de subvención e solicitar á Deputación da Coruña a través do programa FO206/2024 subvención para a modalidade “Mantemento do posto de traballo de técnico municipal en xestión cultural” por importe de 15.000,00 euros ó abeiro da citada convocatoria.

Non obstante, a Xunta de Goberno Local acordará o que estime pertinente.

Valdoviño, 6 de novembro de 2023.

O alcalde:

Asdo.: D. Alberto González Fernández.”

**A Xunta de Goberno Local, en votación ordinaria e por unanimidade dos seus membros acordou a aprobación da proposta de Alcaldía transcrita (Expte referencia: 2023/A003/000029).**

**6º.- APROBACIÓN DO CONVENIO DE COLABORACIÓN ENTRE O CONCELLO DE VALDOVIÑO E A AGRUPACIÓN MUNICIPAL DE VOLUNTARIOS DE PROTECCIÓN CIVIL DE VALDOVIÑO PARA REGULAR A COLABORACIÓN ECONÓMICA DO CONCELLO AOS EFECTOS DE SUFRAGAR GASTOS QUE DERIVEN DAS ACTIVIDADES QUE SE REALICEN**

**DURANTE O ANO 2023 E AUTORIZAR O GASTO QUE DERIVA DAS AXUDAS PREVISTAS NAS BASES DE EXECUCIÓN DO ORZAMENTO.-**

**PROPOSTA DE ALCALDÍA DE APROBACIÓN DO CONVENIO DE COLABORACIÓN ENTRE O CONCELLO DE VALDOVIÑO E A AGRUPACIÓN MUNICIPAL DE VOLUNTARIOS DE PROTECCIÓN CIVIL DE VALDOVIÑO PARA REGULAR A COLABORACIÓN ECONÓMICA DO CONCELLO AOS EFECTOS DE SUFRAGAR GASTOS QUE DERIVEN DAS ACTIVIDADES QUE SE REALICEN DURANTE O ANO 2023 E AUTORIZAR O GASTO QUE DERIVA DAS AXUDAS PREVISTAS NAS BASES DE EXECUCIÓN DO ORZAMENTO.**

“Vista a base número 53º apartado VIII) das Bases de execución do orzamento municipal do Concello de Valdoviño para o ano 2023 se contemplan unha serie de axudas e subvencións públicas entre as que consta a colaboración económica coa Asociación de Voluntarios de Protección Civil de Valdoviño para axudar a soportar os gastos que derivan do funcionamento da dita entidade con cargo á aplicación orzamentaria 130.489.00 por importe de 10.000 €.

Visto o informe elaborado pola intervención núm. EMP 117/2023 de fiscalización previa da proposta de Alcaldía de aprobación do Convenio para a concesión da subvención nominativa a favor da Agrupación de Voluntarios de Protección Civil que deriva da realización de actividades durante o ano 2023 pola devandita Agrupación (Expediente núm. 2023/A007/000003), asinado en data 7 de novembro do 2023.

En virtude do enunciado no artigo 21. f) da Lei 7/1985, do 2 de abril, Reguladora das Bases do Réxime Local na súa redacción dada pola Lei 11/1999, do 21 de abril e a Lei 57/2003, do 16 de decembro, de medidas para a modernización do goberno local, esta Alcaldía

**PROPÓN**

**Primeiro.-** Aprobar o convenio de colaboración que se acompaña aos efectos de sufragar os gastos que deriven das actividades e funcionamento que se realicen durante o ano 2023, establecemento os dereitos e obrigas das partes e que se reproduce de seguido

**CONVENIO DE COLABORACIÓN ENTRE O CONCELLO DE VALDOVIÑO E A AGRUPACIÓN MUNICIPAL DE VOLUNTARIOS DE PROTECCIÓN CIVIL DE VALDOVIÑO PARA REGULAR A COLABORACIÓN ECONÓMICA DO CONCELLO AOS EFECTOS DE SUFRAGAR GASTOS QUE DERIVEN DAS ACTIVIDADES QUE SE REALICEN DURANTE O ANO 2023**

*En Valdoviño, na data de sinatura electrónica*

**INTERVEÑEN**

*Dunha a parte, Alberto González Fernández con D.N.I. núm. [REDACTED]*

*Alcalde do Concello de Valdoviño, en nome e representación da entidade local.*

*Doutra parte, Francisco Dopico Amado con D.N.I. núm. [REDACTED] en*

*nome e representación da Agrupación Municipal de Voluntarios de Protección Civil de Valdoviño, en calidade de Presidente da mesma.*

**MANIFESTAN**

*Ámbolos dous interveñen en representación e coas facultades que os seus respectivos cargos lles confiren, recoñecéndose reciprocamente as partes intervintes a necesaria capacidade xurídica e lexitimación para convir e subscribir o presente convenio, conforme as seguintes:*

**CLÁUSULAS**

**Primeira.-**

É obxecto do presente convenio fixar un marco de colaboración económica entre o Concello de Valdoviño e a Agrupación Municipal Voluntarios do mesmo concello (AVPC, en adiante), toda vez as funcións a desenvolver pola dita Agrupación determina a posibilidade de que nesta entidade local se presten servizos de protección civil e que se poida actuar inicialmente ante calquera situación de emerxencia que se detecte coa máxima celeridade e profesionalización, tal e como se establece no artigo 25 da Lei 7/1985, do 4 de abril, Reguladora das Bases do Réxime Local e no artigo 10 da Lei 5/2007, do 7 de maio, de Emerxencias de Galicia, toda vez o Concello non ten un servizo municipal propio de protección civil e de xestión de emerxencias, por non resultar obrigatorio segundo a normativa citada para os concellos de menos de 20.000 habitantes, e ser imposible o sostemento económico do citado servizo.

#### **Segunda.-**

En virtude das tarefas desenvolvidas pola AVPC, visto o intereses xeral dos veciños/as que se van a prestar e conforme o artigo 49.f) da Lei 5/2007, do 7 de maio, de Emerxencias de Galicia, o Concello de Valdoviño comprométese a axudar economicamente a dita entidade mediante a consignación dunha axuda nominativa nos orzamentos xerais do ano 2023.

Así, en concreto na base de execución núm. 53º establécese unha axuda de 10.000 € a favor da dita entidade para sufragar gastos referidos a gastos de mantemento como son os que derivan ou derivarán do pagamento do seguro de cobertura de riscos de accidentes, responsabilidade civil, de vehículos, correos, vestimenta, mantemento programa de xestión AVPC, gastos postais, adecuación de local, material sanitario e outro material funxible necesario para o funcionamento da AVPC, o dito importe atópase consignado na aplicación orzamentaria 130.489.00.

#### **Terceira.-**

Tal subvención servirá para financiar os gastos correntes relacionados co mantemento da AVPC, nos que incorra entre 1 de xaneiro de 2023 e 31 de decembro de 2023, sempre e cando non se perciban outras axudas (públicas ou de entidades privadas) para o mesmo fin, que sumadas á concedida polo concello determinen un importe superior ao gasto realizado. A subvención poderá acadar ata o 100% do custo que se xustifique mediante gasto realizado (xustificando tamén o pagamento) para os fins indicados.

#### **Cuarta.-**

A AVPC comprométese a destinar o importe da cantidade recibida á finalidade prevista no presente convenio, e a colaborar coas autoridades competentes na realización de tarefas relacionadas coa protección civil.

#### **Quinta.-**

Conforme o artigo 51.4 do Decreto 56/2000, de 3 de marzo, polo que se regula a planificación, as medidas de coordinación e a actuación de voluntarios, agrupacións de voluntarios e entidades colaboradoras en materia de protección civil de Galicia, a vinculación dos voluntarios da AVPC co Concello de Valdoviño (...) non terá carácter de relación laboral, administrativa, funcionarial ou mercantil, sino tan solo de colaboración voluntaria para a prestación de servizos de maneira altruísta como medio de realización de accións humanitarias e de solidariedade social.

#### **Sexta.-**

A AVPC deberá cumprir os requisitos establecidas no artigo 51 do Decreto 56/2000 de 3 de marzo para o persoal voluntario:

1. Terán a condición de voluntarios de protección civil todas aquelas persoas físicas que con carácter altruísta se comprometan a colaborar cos servizos de protección civil, integrándose nunha AVPC.
2. Só poderán ser voluntarios de protección civil as persoas maiores de idade. Os maiores de 16 anos e menores de 18 só poderán figurar como voluntarios de apoio, sempre que conste a autorización do que exerza a patria potestade ou a tutela.
3. Os voluntarios de protección civil non terán a condición de autoridade e actuarán por orde e baixo a dependencia de quen teña atribuída esa función colaborando cos servizos públicos correspondentes.
4. A vinculación dos voluntarios coa agrupación na que se integren non terá o carácter de relación laboral, administrativa, funcionarial ou mercantil, senón tan só de colaboración voluntaria para a prestación de servizos de maneira altruísta como medio de realización de accións humanitarias e de solidariedade social.
5. As AVPC poderán establecer requisitos de acceso para os seus voluntarios, sen que en ningún caso poidan facerse discriminacións por razóns de sexo, políticas, ideolóxicas, relixiosas ou calquera outra circunstancia persoal ou social.
6. Con carácter xeral, a condición de voluntariado dunha AVPC poderá ser:
  - a) Operativo, cando pola súa idade, maior de dezoito anos, e aptitude psicofísica, poida realizar con normalidade calquera actividade relacionada coa protección civil. Un voluntario na súa condición de operativo non poderá formar parte máis que dunha soa AVPC.
  - b) De apoio, cando ben pola súa idade, menor de dezoito anos e maior de dezaseis anos, e/ou aptitude psicofísica, soamente poida efectuar determinados labores de axuda e colaboración co voluntario operativo, fundamentalmente de apoio loxístico.
  - c) Honoríficos, todas aquelas persoas que durante o transcurso da súa vida realizaron actuacións heroicas e/ou actos sobresaíntes en materia de protección civil no seo desa agrupación.
7. Os voluntarios só poderán pertencer a unha AVPC sen prexuízo de realizar tarefas de voluntariado noutras por tempo determinado se así o autorizasen as agrupacións afectadas.

Neste senso, é preciso recordar os deberes dos voluntarios no exercicio do seu labor de colaboración que enuncia o artigo 53 do citado Decreto 56/2000 de 3 de marzo

  - a) Gardar, cando proceda, confidencialidade da información recibida e coñecida durante o desenvolvemento da súa actividade como voluntario de protección civil.
  - b) Rexeitar calquera tipo de contraprestación económica que puidese recibir dos cidadáns afectados directa ou indirectamente polas actividades desenvolvidas.
  - c) Actuar de forma dilixente e solidaria, cumprindo coas indicacións e normas ditadas polos seus mandos naturais e as autoridades de protección civil.
  - d) Participar nas tarefas formativas previstas pola autoridade competente de protección civil ou pola AVPC, así como nas que con carácter permanente se precisen para mantela calidade das prestacións.
  - e) Empregar axeitadamente a vestimenta de protección civil cos seus distintivos, así como levar ben visible a súa acreditación.



f) Coidar e utilizar de xeito adecuado os recursos e medios materiais que poña á súa disposición a AVPC, ou, de se-lo caso, as autoridades de protección civil.

g) Devolverlle a tarxeta de identidade e o uniforme ó responsable da AVPC, así como o material asignado á súa custodia, no caso de causar baixa nela por calquera circunstancia.

A AVPC debe contar con un seguro de accidentes así como de responsabilidade civil por danos a terceiros que ampare aos seus membros fronte aos riscos que están sometidos no exercicio das funcións descritas e a dita agrupación debe estar inscrita no rexistro de protección civil da Comunidade Autónoma.

#### **Sétima.-**

Antes da adopción do acordo de outorgamento da subvención, a AVPC deberá presentar a solicitude acompañada da seguinte documentación:

a) Acreditación da personalidade do beneficiario mediante a presentación da fotocopia cotexada do CIF da entidade.

b) Acreditación da personalidade do seu representante mediante a presentación da fotocopia cotexada do DNI da persoa que vai subscribir o presente convenio.

c) Copia compulsada do documento constitutivo e estatutos da dita entidade, así como certificación acreditativa dos cargos da dita entidade.

d) Memoria explicativa das actividades que se pretenden levar a cabo coa subvención, incluíndo un orzamento detallado dos gastos ocasionados polas actividades para as que se solicita a subvención e dos ingresos previstos para o seu financiamento.

e) Declaración xurada de se foron solicitadas ou non subvencións para a mesma finalidade procedentes das distintas administracións públicas ou calquera dos seus organismos dependentes, entes ou sociedades, ou doutros organismos privados.

f) Certificado de que a entidade está ao corrente das súas obrigas tributarias e coa Seguridade Social. A presentación de declaración responsable substituirá á presentación das certificacións para o caso de que a contía a outorgar ao beneficiario non supere os 3.000,00 €, de acordo co artigo 24 do Real Decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, Xeral de Subvencións

g) Declaración responsable de non estar incurso a entidade nin a súa representación en ningunha das causas que determina o art. 13.2 da Lei 38/2003, do 17 de novembro, Xeral de Subvencións.

h) Certificación dos datos bancarios da entidade.

i) Declaración responsable comprometéndose a presentar xustificación da axuda no prazo de 3 meses, e en todo caso antes da finalización do exercicio no que é concedida a subvención, por parte de perceptor nos termos previstos nas presentes Bases.

O pagamento da subvención efectuarase mediante ingreso na conta bancaria sinalada a tal efecto polo beneficiario, unha vez sexa asinado o convenio e ao tratarse dunha subvención prepagable no 50%, indicar que antes da xustificación da subvención polo beneficiario, non se require constitución de aval algún ao beneficiario en garantía do anticipo.

#### **Oitava.-**

A AVPC deberá presentar no prazo de 3 meses, a contar dende o día seguinte á notificación da concesión da axuda ou pago efectivo da mesma, podándose solicitar ampliación do prazo de xustificación motivada, ata a data de vixencia do convenio (31-12-2023), a seguinte documentación xustificativa do emprego da subvención outorgada:

1.- Conta xustificativa (relación de facturas con conceptos e importes que se presentan coma xustificación da subvención), e facturas orixinais de gasto ou copias compulsadas das mesmas axeitadas ao establecido no RD 1619/2012, previamente a compulsa farase constar nos orixinais, mediante dilixencia nas mesmas, que se corresponden con gasto subvencionados polo concello, quedando as copias compulsadas no expediente, unha vez dilixenciadas, aos efectos dun control de concorrencia de subvencións. Tamén deberán presentarse xustificantes dos pagamentos realizados a través de transferencias bancarias aos provedores co selo da entidade financeira, ou con código de verificación, ou coa copia do cheque nominativo emitido e xustificante do seu cargo na conta acreditando pola entidade financeira do mesmo xeito. Achegarse tamén unha memoria das actuacións realizadas, firmada en todas as follas, e declarando o cumprimento da finalidade da axuda.

2.-Certificados de estar ao corrente das obrigas tributarias e coa seguridade social, e declaración de non ter percibido/solicitado outras axudas para o mesmo fin, ou declaración de que as solicitadas/concedidas non superan o total do gasto realizado.

3.- Indicación expresa de que se realizou o fin para a que foi concedida e xustificación de ter dado publicidade á colaboración económica do concello, ben por medios escritos, Internet ou mediante fotografía correctamente testemuña da publicidade da subvención percibida do Concello pola entidade beneficiaria, aos efectos da necesaria publicidade da mesma (artigo 18.4 LXS).

4.- O beneficiario da subvención acompañará unha relación detallada das subvencións ou axudas obtidas doutras Administracións Públicas para idéntica finalidade, no seu caso, a declaración de non ser beneficiario de outras subvencións públicas para a mesma finalidade.

A falta de presentación da documentación xustificativa en prazo, ou presentación de documentación incorrecta, inadecuada ou insuficiente, será posta de manifesto ao interesado para que, nun prazo non inferior a dez días nin superior a un mes, subsane as deficiencias atopadas, transcorrido o cal, sen recibirse esta, procederase á incoación do expediente de reintegro. Este expediente poderá ser polo importe total, no caso de non xustificarse a realización de ningún gasto, de xustificarse inadecuadamente ou no caso de xustificarse algún gasto, non resulte suficiente acreditada a realización da actividade. Tamén poderá ser parcial, no caso de que polo órgano competente se considere que queda acreditada a realización da actividade, pero non se xustificaran gastos en contía que acade o importe ou porcentaxe subvencionado.

#### **Cuestións Adicionais.-**

A AVPC, sométese ás actuacións de comprobación e control que realice o órgano local competente ou a Intervención do Concello, estando obrigado a facilitar toda a información que lle sexa requirida por eles no exercicio das funcións de fiscalización e control do destino das cantidades libradas, de conformidade cos termos regulados na Lei 38/2003. Igualmente de acordo co disposto na Lei 6/1985, do 24 de xuño, do Consello de Contas de Galicia, a AVPC queda sometida aos procedementos de fiscalización que leve a cabo dito

órgano de control externo, e no seu caso ao disposto na Lei orgánica 2/1982, do 12 de maio, do Tribunal de Contas.

Procederá o reintegro total ou parcial das cantidades percibidas no suposto de incumprimento das condicións do presente convenio ou requirimentos de xustificación que poida facer a Intervención ou o órgano municipal competente.

O presente convenio terá vixencia ata o 31 de decembro de 2023.

Para o seguimento e control do cumprimento do presente convenio poderá constituírse unha comisión integrada por un representante de cada unha das partes asonantes, nomeados polo Presidente do Concello e polo órgano estatutariamente competente da AVPC.

Son causas de resolución do presente convenio a renuncia de calquera das partes e/ou o incumprimento total ou parcial das obrigas estipuladas por parte de calquera dos asinantes.

Dada a natureza xurídico pública do presente convenio, as controversias que puidesen xurdir na aplicación do mesmo, serán resoltas pola xurisdición contencioso administrativa.

As partes asinantes declaran de obrigado cumprimento todo o consignado no presente convenio de carácter administrativo e sométense ao mesmo, ás bases de execución do Orzamento Xeral do Concello de Valdoviño (que a AVPC declara coñecer), e á normativa de aplicación na materia.

***E en proba da súa conformidade asinan electrónicamente o presente convenio o Alcalde, Alberto González Fernández e o representante da Agrupación de Voluntarios de Protección Civil do Concello de Valdoviño, Francisco Dopico Amado.***

**Segundo.-** Dispoñer o crédito e recoñecer a obriga de pago do 50% da subvención prepagable concedida a Asociación de Voluntarios de Protección Civil de Valdoviño para axudar a soportar os gastos que derivan do funcionamento da dita entidade no ano 2023 que se imputará a aplicación orzamentaria do estado de gastos 130.489.00 do orzamento municipal vixente.

**Terceiro.-** Dar conta deste acordo á Asociación de Voluntarios de Protección Civil de Valdoviño e requiririlles para que compareza o seu representante coa documentación que se establece no propio convenio para asinar o mesmo.

**Documento asinado electrónicamente polo Alcalde, Alberto González Fernández.”**

A Xunta de Goberno Local, en votación ordinaria e por unanimidade dos seus membros acordou a aprobación da proposta de Alcaldía transcrita (Expte referencia: 2023/A007/000003).

### **7º.- APROBACIÓN DO PAGAMENTO DAS AXUDAS DAS MEDIDAS DE APOIO ÁS FAMILIAS PARA MATERIAL ESCOLAR E TRANSPORTE DO ANO 2023.-**

**PROPOSTA DE ALCALDIA Á XUNTA DE GOBERNO LOCAL PARA A APROBACION DO PAGAMENTO DAS MEDIDAS DE APOIO ÁS FAMILIAS DESTINADAS Á ADQUISICIÓN DE MATERIAL PARA O ESTUDO E TRANSPORTE DO ANO 2023.**

Visto o informe do Departamento de Servizos Económicos sobre as “Medidas de apoio ás familias destinadas á adquisición de material para o estudo e transporte do ano 2023” e

visto o informe técnico emitido polo Departamento de Servizos Sociais que se transcribe a continuación:

### **INFORME- PROPOSTA PARA A APROBACIÓN DO PAGAMENTO DAS AXUDAS DAS MEDIDAS DE APOIO ÁS FAMILIAS PARA MATERIAL ESCOLAR E TRANSPORTE DO ANO 2023**

En relación á concesión de axudas das medidas de apoio ás familias para material escolar e transporte (anuncio das bases reguladoras no BOP Nº 139 de 21 de xullo de 2023), e en relación ao pagamento das mesmas

#### **INFORMO:**

- Á vista das solicitudes concedidas e aprobadas previamente (por acordo de Xunta de Goberno Local o 07.09.2023), valóranse as xustificacións presentadas en forma e prazo.
- Que do total das axudas solicitadas foron concedidas 47, das cales se presentan dentro do prazo estipulado un total de **43 xustificacións** (das cales 5 tamén inclúen transporte). Que desas 43 xustificacións, 19 familias presentan a modalidade de vales coa cesión do dereito de pago a favor do establecemento.
- Que no caso dunha das axudas, que estaba condicionada a súa concesión á presentación dun certificado escolar (acordo de Xunta de Goberno Local o 07.09.2023), non se subsana a dita situación polo que non se concede a axuda.
- Que trala revisión da documentación aportada segundo os criterios que constan nas bases da subvención, aclárase o seguinte:
  - o Todas as xustificacións conteñen o xustificante do gasto correspondente a través de facturas de compra, tamén no caso de elixir o sistema de vales.
  - o Nun dos casos a axuda foi solicitada e concedida a nome dun proxenitor e xustificada a nome do outro. A propia familia comunicouno dentro do prazo de xustificación, e subsanaron entregando de novo o anexo cuberto e as facturas corrixidas (a nome do proxenitor solicitante).
  - o Unha das xustificacións presenta o gasto de transporte a nome do irmán da menor que fora obxecto da concesión da axuda, polo que se comunica á familia o erro. Ante a imposibilidade de subsanación, descártase a posibilidade de recibir a axuda.
  - o Que o número de conta bancaria certifícase a través de dúas formas:
    1. Certificado da entidade bancaria da titularidade da conta
    2. Copia da información bancaria no que consta o número de conta e a persoa titular.
- Que seis das axudas para transporte aprobadas inicialmente non presentan documentación xustificativa, polo que se procede a descartar as ditas axudas, atendendo ao artigo 7 das bases, o que deriva na perda parcial da subvención aprobada inicialmente por ese concepto (manténdose a de material escolar).
- Que o Departamento de Servizos Sociais confirmou con cada establecemento a concidencia dos vales canxeados (cesión do dereito de cobro) por concepto de material escolar coa xustificación presentada polas familias.
- Que revisada a documentación, procede a aprobación das xustificacións

presentadas e o seu pagamento, coas características que se recolle no cadro seguinte.

\*Enténdese por gasto xustificado e cumprida a finalidade da subvención o que se considera válido e subvencionable segundo as bases da convocatoria.

\*\* No suposto de que a xustificación do gasto realizado fose inferior ao importe da subvención, o importe da axuda será o do gasto xustificado.

	NOME E APELIDOS	DNI	Cantidade concedida	Cantidade xustificada	Cantidade a PAGAR
<b>MATERIAL ESCOLAR</b>					
1	V. V.V.	[REDACTED]	90 €	91,21 €	90 €
2	J. L. S. R.	[REDACTED]	90 €	88,94 €	89 €
3	R. C. V.	[REDACTED]	180 €	186,90 €	180 €
4	E. C. V.	[REDACTED]	180 €	178,81 €	179 €
5	N. L. A.	[REDACTED]	90 €	83,26 €	83,26 €
6	Y. R. L.	[REDACTED]	90 €	92,75 €	90 €
7	V. M. D. L.	[REDACTED]	90 €	101,02 €	90 €
8	M. R. O. C.	[REDACTED]	180 €	183,90 €	180 €
9	A. C. G.	[REDACTED]	90 €	100,75 €	90 €
10	E. R. P.	[REDACTED]	270 €	149,54 €	270 €
11	P.D.S. R.	[REDACTED]	180 €	181,17 €	180 €
12	M. L. C. P.	[REDACTED]	90 €	103,87 €	90 €
13	L. C. T.	[REDACTED]	90 €	100,00 €	90 €
14	M.D. C G.G.	[REDACTED]	360 €	469,58 €	360 €
15	I.C.H.	[REDACTED]	90 €	142,22 €	90 €
16	A. M. A. L.	[REDACTED]	180 €	212,01 €	180 €
17	T. S.R.	[REDACTED]	180 €	180,00 €	180 €
18	J. C. C.	[REDACTED]	180 €	204,30 €	180 €
19	M.D. C. A. B.	[REDACTED]	90 €	143,26 €	90 €
20	M. T. P. D.	[REDACTED]	90 €	106,80 €	90 €
21	M. C. V.G.	[REDACTED]	90 €	92,80 €	90 €
22	A. R. Y.	[REDACTED]	45 €	49,99 €	45 €
23	Á. V. P.	[REDACTED]	90 €	122,91 €	90 €
24	C. F. D.	[REDACTED]	45 €	39,99 €	39,99 €
25	A. L. P.	[REDACTED]	90 €	90 €	90 €
26	M. I.A.R.	[REDACTED]	180 €	180 €	180 €
27	C. B. F.	[REDACTED]	45 €	45 €	45 €
28	A. M. P. D.	[REDACTED]	180 €	180 €	180 €
29	Á. A. L.	[REDACTED]	180 €	180 €	180 €
30	L. M. A. A.	[REDACTED]	90 €	90 €	90 €
31	X.M.C.V.	[REDACTED]	180 €	180 €	180 €
32	M.R.F.	[REDACTED]	90 €	90 €	90 €
33	O.S.O.	[REDACTED]	90 €	90 €	90 €
34	M. J. N. P.	[REDACTED]	180 €	180 €	180 €
35	J. M. R.	[REDACTED]	180 €	180 €	180 €
36	S. R.B.	[REDACTED]	90 €	90 €	90 €
37	M.D. L. J. J.	[REDACTED]	360 €	360 €	360 €
38	J. P.M.	[REDACTED]	180 €	180 €	180 €
39	C.M.B.	[REDACTED]	180 €	180 €	180 €
40	M.V.S.M.	[REDACTED]	180 €	180 €	180 €
41	C. A. F.	[REDACTED]	270 €	270 €	270 €
42	L. S. I.	[REDACTED]	180 €	180 €	180 €

43	M.A.D.B.	32700603-P	90 €	90 €	90 €
					<b>6151,00 €</b>
<b>TRANSPORTE</b>					
1	V. M. D.L.		100,00 €	100,00 €	100,00 €
2	P. D S. R.		100,00 €	100,00 €	100,00 €
3	M. C.V. G.		100,00 €	100,00 €	100,00 €
4	C.A. F.		100,00 €	60,00 €	60,00 €
					<b>360,00 €</b>

8. Que o pagamento das axudas deberá efectuarse coas seguintes especificacións:
- No caso do material escolar e do transporte, efectuarase o pagamento do importe concedido e xustificado no número de conta indicado por cada familia.
  - No caso das 19 familias que utilizaron o sistema de vales coa cesión do dereito de cobro, resultan as seguintes cantidades a ingresar a favor dos establecementos
    - Librería Xeila: 300 €
    - Librería Folder: 30 €
    - Sprinter: 2685 €
  - O total das axudas ascende á cantidade de 6511 €.

Infórmase para que sexa elevado a Xunta de Goberno Local para a aprobación do pagamento das subvencións, atendendo ao formato e cantidades que se recolle no presente informe.

En Valdoviño a 31 de outubro de 2023

Iria García Martínez  
Educativa Social (Col. 3545)

En virtude das atribucións que me confire a vixente lexislación de Réxime Local

**PROPOÑO:**

á Xunta de Goberno Local a aprobación da proposta de pagamento das axudas das “Medidas de apoio ás familias para a adquisición de material escolar e o transporte do ano 2023”, por un valor total de 6511 euros e proceder ao dito pagamento.

Valdoviño, 07 de novembro de 2023

O Alcalde  
Asdo. Alberto González Fernández”

**A Xunta de Goberno Local, en votación ordinaria e por unanimidade dos seus membros acordou a aprobación da proposta de Alcaldía transcrita (Expte referencia: 2023/A002/000003).**

**8º.- APROBACIÓN DAS BASES DA CONVOCATORIA DAS MEDIDAS DE APOIO ÁS FAMILIAS PARA AGASALLOS DE NADAL DO ANO 2023.-**  
**“PROPOSTA DE ALCALDÍA Á XUNTA DE GOBERNO LOCAL PARA A APROBACIÓN DAS BASES REGULADORAS DAS MEDIDAS DE APOIO ÁS FAMILIAS PARA AGASALLOS DE NADAL DO ANO 2023**

Alberto González Fernández, Alcalde do Concello de Valdoviño, visto o informe de Intervención e visto o informe técnico do departamento de Servizos Sociais que se transcribe a continuación:

**“INFORME SOBRE AS BASES DA CONVOCATORIA DAS MEDIDAS DE APOIO ÁS FAMILIAS PARA AGASALLOS DE NADAL DO ANO 2023**

Iria García Martínez, Educativa Social do Concello, en relación á actuación que se fai cada ano para apoiar ás familias nas compras dos agasallos de Nadal, no relativo á compra de agasallos para menores, INFORMO:

1. Que respecto ás axudas do ano pasado, mantense a liña das axudas, sen variación

respecto aos conceptos subvencionables.

2. Que se mantén o procedemento para a compra e pagamento da axuda, pasando a ser por transferencia bancaria ás familias unha vez xustificada a axuda. Igualmente, para as familias que non poden anticipar os cartos da compra á espera da devolución por parte do Concello, poderán asinar unha cesión para que o Concello pague directamente ao establecemento.
3. Que se destina un crédito de 3000 euros para soste a previsión do gasto das solicitudes.
4. Que se inclúen nestas axudas os seguintes gastos subvencionables:
  1. Xogos e xoguetes (0- 18 anos): xoguetes, libros, xogos educativos ou de mesa, libros, quebracabezas, e/ou material musical ou deportivo, ou calquera que se corresponda coa idade do/a menor ao que vai dirixida a axuda e nos termos establecidos nas presentes bases.
  - 1.2. Aparatos tecnolóxicos e roupa (13-18 anos): roupa, uniformes deportivos, aparatos tecnolóxicos como reloxos, videoxogos, teléfonos... que sexan axeitados para esa franxa de idade.
5. Que se valora a contía única de 50 euros por menor.
6. Que as Bases reguladoras foron revisadas polo Departamento de Servizos Económicos e solicítase a retención de crédito correspondente, así como a aprobación da convocatoria en Xunta de Goberno Local.

En Valdoviño, a 07 de novembro de 2023

Iria García Martínez

Educadora Social (colex. 3545)

### **PROPOÑO:**

á Xunta de Goberno Local a aprobación das Bases Reguladoras das Medidas de apoio ás familias destinadas á adquisición de agasallos de Nadal do ano 2023.

En Valdoviño, a 07 de novembro de 2023

Alberto González Fernández

O Alcalde”

**A Xunta de Goberno Local, en votación ordinaria e por unanimidade dos seus membros acordou a aprobación da proposta de Alcaldía transcrita (Expte referencia: 2023/A002/000004).**

### **9º.- APROBACIÓN DA PROGRAMACIÓN POLO 25 DE NOVIEMBRE: DÍA INTERNACIONAL PARA A ELIMINACIÓN DE VIOLENCIA CONTRA AS MULLERES.-**

#### **PROPOSTA DE ALCALDÍA Á XUNTA DE GOBERNO LOCAL PARA A APROBACIÓN DA PROGRAMACIÓN POLO “25 DE NOVIEMBRE: DÍA INTERNACIONAL PARA A ELIMINACIÓN DA VIOLENCIA CONTRA AS MULLERES (2023)**

“Alberto González Fernández, Alcalde do Concello de Valdoviño, visto o informe técnico da educadora social que se transcribe a continuación:

**“INFORME- PROPOSTA SOBRE A PROGRAMACIÓN DO 25 DE NOVIEMBRE, DÍA INTERNACIONAL PARA A ELIMINACIÓN DA VIOLENCIA CONTRA AS MULLERES (2023)**



Iria García Martínez, Educadora Social do Departamento de Servizos Sociais Comunitarios do Concello de Valdoviño, en relación ao programa municipal “Somos e contamos” de igualdade, diversidade e prevención de violencia de xénero

### **INFORMO**

1. Que co obxectivo de traballar dun xeito integral e coordinado desde as diferentes áreas municipais, a presente proposta está a coordinarse conxuntamente por persoal técnico dos Departamentos de Servizos Sociais e Cultura.
2. Que o Concello de Valdoviño mantén desde hai varios anos unha programación específica de actividades en relación ao 25 de novembro dentro do “Programa municipal Somos e Contamos para a igualdade, diversidade e prevención da violencia de xénero”
3. Que a proposta está dirixida a diferentes grupos de interese, como é o alumnado dos centros educativos, mulleres adultas ou comunidade en xeral.
4. Que a proposta de programación para o ano 2023 é a seguinte:
  - **15 DE NOVIEMBRE:** Colocación da pancarta na fachada do Concello e publicación do manifesto institucional na Web do Concello.
  - **21 NOVIEMBRE:** Inicio de “ATOPÁMONOS ENTRE NÓS” Grupo de Mulleres Adultas, que terá lugar todos os martes de 9:45 a 11:00 horas.
  - **23 NOVIEMBRE:** Actividade Lentes Violetas. Obradoiro sobre xénero e pornografía para 3º ESO do CPI Atios e formación para profesorado. Deputación da Coruña.
  - **25 NOVIEMBRE:** ANDADA DÍA INTERNACIONAL PARA A ELIMINACIÓN DA VIOLENCIA CONTRA AS MULLERES. Saída da Casa da Cultura (17:00 h.) acompañada pola BATUKADA CULTURA EXTREMA. Lectura de manifesto no parque da Frouxeira e flashmob (aberta á participación).
  - **1 DECEMBRO:** TEATRO DEL ANDAMIO “INSUBMISIÓN”. Auditorio. 20:30 h. Público adulto
  - **5 e 13 DECEMBRO:** Obradoiro “Encantada de coñecerme”. Atención en saúde sexual para mulleres adultas. 10:00 a 13:00 horas (Federación de Planificación Familiar). Centro Sociocomunitario.
  - O concello de Valdoviño, como entidade adherida á CAMPAÑA DA DEPUTACIÓN DA CORUÑA “DE FRONTE Á VIOLENCIA DE XÉNERO” participará nas actividades programadas para este ano, pendentes aínda de concretar pola súa recente publicación.
5. Que as actividades non conlevan gasto asociado (agás as tramitadas especificamente dentro da área de Cultura que seguen o seu propio procedemento administrativo.)
6. Que é previsible que para o desenvolvemento da actuación que se vai realizar o día 25N haxa que realizar un gasto para material de sensibilización, vinculado á transferencia do Pacto de Estado contra a Violencia de Xénero. Igualmente haberá que asumir o gasto dos desprazamentos da persoa que imparte as dúas sesións da actividade “Encantada de Coñecerme“. Que debido á falta de tempo non se pode presentar neste informe por ter sido imposible trasladar o asunto previamente aos Servizos económicos, pospoñendo a súa aprobación.

### **SOLICITO**

*Aprobar a programación presentada en relación ao 25 de novembro “Día internacional para a eliminación da violencia contra as mulleres”, impulsada polos departamentos municipais de Cultura e Servizos Sociais.*

*En Valdoviño a 8 de novembro de 2023  
Iria García Martínez  
Educadora Social (Col. 3545)”*

**PROPOÑO:**

á Xunta de Goberno Local a aprobación da programación presentada en relación ao 25 de novembro “Día internacional para a eliminación da violencia contra as mulleres”

En Valdoviño, a 9 de novembro de 2023

Alberto González Fernández

O Alcalde”

**A Xunta de Goberno Local, en votación ordinaria e por unanimidade dos seus membros acordou a aprobación da proposta de Alcaldía transcrita (Expte referencia: 2023/S011/000008).**

**10º.- ROGOS E PREGUNTAS.-**

Non se formularon rogos nen preguntas.

E sen máis asuntos que tratar, o Sr. Alcalde levantou a sesión, ás dez horas do día ao principio indicado, e eu, como Secretaria, CERTIFICO o contido da presente acta.

*/Documento asinado na marxe esquerda do mesmo pola secretaria municipal e polo sr. alcalde/*